



Mannheim 07.05.2020

OBAVJEŠTENJE O NASTAVKU VJERSKIH AKTIVNOSTI U PROSTORIJAMA DŽEMATA MANNHEIM

Poštovane džematliijke i džematlije,

Nakon ispunjenja traženih tehničkih preduslova i uz saglasnost nadležnih institucija, od subote, 09.maja 2020.godine počinjemo sa POSTEPENIM otvaranjem džematskih prostorija za obavljanje vjerskih aktivnosti/namaza. **Kao prvi korak, svakodnevno će biti omogućeno zajedničko obavljanje IKINDIJE namaza, te učenje i slušanje mukabele nakon toga.** Ovaj korak podrazumijeva obaveznu primjenu usvojenog „Elaborata/koncepta o mjerama zaštite od Covid-a 19 tokom namaza “ čije najvažnije odrednice vam donosimo u nastavku :

- **Maksimalan broj osoba koje mogu prisustvovati namazu je smanjen i ograničen na 38**, te usklađen sa kapacitetima mesdžida i mjerama poštivanja tražene udaljenosti između klanjača.
- Uslov za prisustvo namazu je prethodna telefonska prijava kod imama hfz. Midhat ef. Beganovića. Za upis na spisak obavezno je navesti sljedeće lične podatke: ime i prezime, godinu rođenja, adresu stanovanja, kontakt telefon i e-mail adresu ukoliko je posjedujete. **Osobama koje se ne nalaze na dnevnom spisku neće biti omogućen ulazak u džematske prostorije!**
- Namazu mogu prisustvovati isključivo osobe **starosti od 16 do 60 godina**.
- Prije dolaska na namaz kod kuće obaviti potrebnu ličnu higijenu te uzeti abdest. Džematska abdesthana ostaje zatvorena i ne može se koristiti.
- Obavezna dezinfekcija ruku prije ulaska (dezinfekcijska sredstva su osigurana u džamiji).
- Na namaz je potrebno donijeti i koristiti vlastitu sedžadu (i tespih).
- Prilikom ulaska i tokom boravka u džamiji **obavezno je nošenje zaštitnih maski**.
- Na snazi ostaje i potpuna zabrana rukovanja.
- Zabranjena su sva okupljanja ispred džamije prije, tokom i nakon namaza.

Zahvaljujemo se svim našim džematlijkama i džematlijama na do sada pokazanom strpljenju, te vas još jednom pozivamo da svi zajedno pokažemo samokontrolu i odgovornost u pridržavanju i provođenju propisa i preporuka. **Od ovoga direktno ovisi da li će se steći uslovi za prelazak na naredne korake koji uključuju zajedničko obavljanje i ostalih namaza u našem džematu.** O svim promjenama ćete biti blagovremeno obaviješteni.

Napomene:

- Lejletu-l-Bedr će biti obilježen LIVE predavanjem putem FB stranice. Termin je subota 09.maj u 22.45h

-U skladu sa aktuelnom situacijom, džemat Mannheim vas poziva da ispunjenje vjerske obaveze **uplate zekata i sadekatu-l-fitra** vršite putem uplata na transakcijski račun. Onima koji ipak žele lično izvršiti uplatu, to će biti omogućeno svakim danom u periodu od 17 do 19 sati uz poštivanje trenutnih mjera zaštite od pandemije korona virusa.

Neka Uzvišeni Allah primi sve naše ibadete i podari nam svako dobro. Esselamu alejkum.

VAŠ DŽEMATSKI ODBOR